


Vil New York

Pwogram Entèvansyon Bonè

pou Tibebe ak Jèn Timoun ki Gen
Reta nan Devlopman oswa yon
Andikap

Èd Bonè Enpòtan.



Tibebe ak jèn timoun yo aprann epi devlope yon fason ki diferan. Yon timoun ka pale pi ta. Yon lòt timoun ta ka mache pi bonè.

Ou ka gen enkyetid ke pitit ou, oswa ke yon timoun ou byen renmen, gen difikilte pou l pale, chita, kenbe ekilib li, rale, mache, manje, jwe oswa konprann enstwiksyon ou ba li.

Petèt tibebe ou te fèt bonè oswa li piti anpil. Petèt li montre li pa twò enterese nan ou oswa nan lòt moun. Petèt doktè ou te di ou pitit ou gen sendwòm Down, paralizi serebral, otis oswa yon andikap nan devlopman li.

Lè timoun yo jwenn èd pou reta oswa pou andikap bonè, yo gen yon pi bon chans pou yo bay plis ranman. Ekip Pwogram Entèkansyon Bonè a la pou asire tibebe ou byen derape nan lavi li.



Pi Bonè, Pi Bon

Si ou gen yon timoun ki poko gen 3 zan epi ou panse li ka gen yon reta oswa yon andikap, Pwogram Entèkansyon Bonè a kapab ede ou.

- ⦿ Toudabò, n ap mete yon Kowòdonatè Sèvis adispozisyon ou pou ede ou avèk pwosesis Entèkansyon Bonè a.
- ⦿ N ap analize pitit ou avèk anpil atansyon pou konnen si li gen nenpòt reta epitou si li kalifye pou Pwogram Entèkansyon Bonè.
- ⦿ Si pitit ou kalifye pou Entèkansyon Bonè, n ap travay avèk ou pou prepare yon pwogram espesyal pou ede pitit ou.
- ⦿ Espesyalis terapi Entèkansyon Bonè yo ak pwofesè yo ap pase tan avèk ou, avèk pitit ou e avèk fanmi ou—lakay ou, nan sant gadri pitit ou, oswa avèk bebisitè pitit ou—pou ede ou aprann kijan pou ede pitit ou.
- ⦿ N ap ba ou kèk ti konsèy pratik, epitou n ap sijere ou kèk fason pou ede pitit ou, n ap itilize woutin fanmi w fè chak jou pou nou gen pi bon rezilta posib yo.
- ⦿ Lè pitit ou pare pou kite Entèkansyon Bonè lè li rive gen twazan daj, n ap ede ou kreye yon plan tranzisyon pou jwenn sèvis ki bon pou ou ak pitit ou.

Pwogram Entèkansyon Bonè a ap sipòte ou nan chak etap pwosesis la!



Si ou panse pitit ou ka gen yon reta oswa yon andikap, gen èd ki disponib.

Jwenn plis enfòmasyon sou Entèvansyon Bonè.

Pale avèk doktè ou, **rele 311** pou mande pou Entèvansyon Bonè (Early Intervention), oswa ale sou sitwèb **nyc.gov/health/earlyint**.

Sèvis Entèvansyon Bonè se sèvis ki konfidansyèl, volontè ak gratis pou fanmi yo,* kèlkeswa revni yo, sityasyon imigrasyon yo oswa kondisyon asirans yo.

*Si ou gen asirans sante, tankou Medicaid, n ap itilize li pou peye pou sèvis Entèvansyon Bonè san ou pa gen pou peye anyen.